



SAMOA I SISIFO

Faatulagaina o Aiaiga

Igoa	
1. Igoa puupuu ma le amataga	10. Komiti Faafoe
2. Faamatalaina o uiga o upu	11. Matafaioi a Komiti Faafoe
3. Minisita o Mataupu Tau Lotoifale	12. Fonotaga a Komiti Faafoe
4. Matagaluega o Mataupu Tau Lotoifale	13. Alauni ma Totogi
5. Matafaioi autu a le Matagaluega	14. Pulenuu ma Sui-ole-Malo
6. Failautusi o Mataupu Tau Lotoifale	15. Tiute o Pulenuu ma Sui-ole-Malo
7. Tuuina atu o Pule a le Minisita	16. Totogi ma Alauni o Pulenuu ma Sui-ole-Malo
8. Tuuina atu o Pule a le Failautusi	17. Lipoti Faale-tausaga
9. Tofia o Tagata Ofisa ma le Aufaigaluega	18. Tulafono Faatonutonu
	19. Mea ua Soloia ma Faasaoia

1995, Nu.10

O SE TULAFONO e faavae ai le Matagaluega o Mataupu Tau Lotoifale ma aiaia ai mo le uunaia o tulaga lelei o nuu, pulega a nuu, ma aiaia ai mo le tofia o Pulenuu ma Sui-ole-Malo ma aiaia ai mo i si mataupu faasino i le aganuu ma agaifanua a Samoa i Sisifo. [10 Iulai 1995]

UA FAIA e le Fono Aoao Faitulafono o Samoa i Sisifo i totonu o le Palemene ua potopoto e faapea:-

1. **Igoa puupuu ma le amataga**-(1) E mafai ona taua lenei Tulafono o le Tulafono o Mataupu Tau Lotoifale 1995.

(2) O lenei Tulafono o le a tatau ona amata faamaluina i se aso o le a atofaina e le Ao o le Malo e faia i luga o le fautuaga a le Kapeneta i se poloaiga.

2. **Faamatalaina o uiga o upu**- I totonu o lenei Tulafono ae vagana ai ua manaomia e le mataupu se i si uiga e ese mai ai -

"Alii ma Faipule" o lona uiga o Alii ma Faipule o lo o i ai i le taimi nei e tusa ai ma tu ma agaifanua a nuu taitasi:

"Tausaga faale-Tupe" o lo o i ai lona faauigaina e pei ona tuuina i ai e le Tulafono o Tupe a le Malo 1964 faatasi ai ma Teuteuga:

"Pulega faale-Nuu" e aofia ai le pulea ma le faagaioia o se nuu e lana Fono:

"Minisita" o lona uiga o le Minisita o Mataupu Tau Lotoifale:

"Matagaluega" o lona uiga o le Matagaluega o Mataupu Tau Lotoifale ua faavaeina e tusa ai ma lenei Tulafono:

"Pulenuu" o lona uiga o se Pulenuu ua tofia e tusa ai ma le fuaiupu 18 o lenei Tulafono:

"Failautusi" o lona uiga o le Failautusi o Mataupu Tau Lotoifale ua tofia i lalo o lenei Tulafono ma e aofia ai so o se tagata ua tuuina atu i ai e ia le faatinoina o so o se pule o lo o faatinoina e ia e tusa ai ma lenei Tulafono:

"Sui-ole-Malo" o lona uiga o se sui o le Malo ua tofia e avea o se Sui-ole-Malo e tusa ai ma le fuaiupu 18 o lenei Tulafono:

"Itumalo Faaalalafaga" o lona uiga o se Itumalo faaalalafaga ua faavaeina e tusa ai ma le Tulafono o Itumalo Faaalalafaga 1963 faatasi ma Teuteuga.

3. **Minisita o Mataupu Tau Lotoifale**- O le a i ai se Minisita o Mataupu Tau Lotoifale o ia lea o le a tofia e le Palemia mai lea taimi i lea taimi.

4. **Matagaluega o Mataupu Tau Lotoifale**- Ua faatu-

ina nei ma faavaeina se Matagaluega a le Malo o Samoa i Sisifo o le a taua o le Matagaluega o Mataupu Tau Lotoifale, ma, o le a i lalo o le pulega a le Minisita, e pulea le faafoeina o lenei Tulafono.

5. Matafaioi autu a le Matagaluega-(1) O matafaioi autu a le Matagaluega o le:-

- (a) Iloiloina o fuafuaga, fausia ma faatulaga faiga faavae ma faia ni fautuaga i le Minisita mo le aloaia o pulega a nuu i nuu taitasi e faavae i luga o Alii ma Faipule, aganuu ma agaifanua a Samoa:
- (b) Le aiaia o ni taiala ma fautuaga e pei ona o le a talosagaina o Alii ma Faipule i le saunia, atiinaeina ma le faatinoina o malo i totonu o le atunuu:
- (c) Le faia, fesoasoani i, faamaopoopo i ma le uunaia o atiina ae, aoina, tausia ma le lomua ma faasalalau o faamatalaga, fuainumera, lipoti, fuafuaga tau tupe ma so o se mataupu talafeagai i le saunia ma le pulea o faigamalo a nuu ma pulega a nuu:
- (d) Le amatamea, uunaia, fesoasoani ma auai ai i fonotaga, faaaliga, talanoaga ma i si gaioiga tau aoga po o faamatalaga mo le faamoemoe e faalauiloa atu, faalauaiteleina po o le faamatalaina o le mana o tusa ai ma manaoga o faigamalo a nuu ma pulega a nuu:
- (e) Le toe iloiloina o manaoga mai lea taimi i lea taimi, matafaioi ma le tulaga aupito i sili ona lelei o faalapotopotoga a faigamalo a nuu ma fautuaina ni auala e faatino ai i le Minisita e tusa ai ma sea mana faapea foi ma tulaga aupito i sili ona manaomia:
- (f) Le saunia o ni fautuaga i le Minisita o ni Tulafono laiti ua fuafuaina e Alii ma Faipule mo le faamamaluina i totonu o faigamalo a nuu:
- (g) Le fautuaina o le Minisita i mataupu faasino i le tauaveina, tulaga tau tupe, pisinisi ma le faatonutonuina o so o se gaioiga a faigamalo a nuu:
- (h) Le fautuaina o ni tulafono faatonutonu i le Minisita e pei ona o le a talafeagai po o e

faavaveina ai le tuuina atu o malosiaga i aiaiga o lenei Tulafono ma mo le faafoeina o aiaiga o lenei Tulafono:

- (i) Le tuuina atu o ni galuega tau tomai faapitoa e pei ona o le a manaomia mo le faafoeina ma mo faamoemoega o lenei Tulafono e tusa ai ma faigamalo a nuu ma tulaga tau pulega a nuu:
 - (j) Le faatulagaina lelei o faiga faavae ma taiala mo atiina ae tau le va o tagata ma le tamaoaiga i totonu o nuu:
 - (k) Le mauaina, fuafuaina, ma le faamaonia ma le faagaioia o talosaga mo galuega tau atiina ae mai Alii ma Faipule:
 - (l) Le mauaina, pulea ma le faasoasoina o vaega-tupe e pei ona o le a faatatauina e le Palemene mai lea taimi i lea taimi po o le mauaina mai i tulaga tau tupe faameaalofa po o mai i so o se auala mo faamoemoega tau le atiina ae o nuu:
 - (m) Le faamaopoopoina ma le uunaia o faiga faatauva i nuu mo le faamoemoe e unaia ma faaosofia ai le faateleina o oloa gaosia:
 - (n) Le fesoasoani i Alii ma Faipule ma i le faagaioia, faamaopoopoina ma le faaogaina o malosi faale-tagata mo galuega tau le atiina aeina o le va o tagata faapea foi ma le tamaoaiga:
 - (o) Le tuuina atu o ni galuega tau tomai faapitoa ma galuega faafaufautua e pei ona o le a manatu ua talafeagai ma le faatelevaveina o atiina ae i nuu:
 - (p) Le faia o ni fautuaga i le Minisita e tusa ai ma tofiga o Pulenuu ma Sui-ole-Malo:
 - (q) Le fautuaina o le Minisita, i totogi fuapauina e ao ona totogiina mo galuega faatino ua tuuina atu e le Pulenuu ma le Sui-ole-Malo i i si Matagaluega a le Malo, Faalapotopotoga ma so o se i si Faalapotopotoga.
- (2) O le a tatau i le Minisita ona faatinoina matafaioi autu a le Matagaluega i le feutagai lea ma le Kapeneta.

6. Failautusi o Mataupu Tau Lotoifale- O le a tatau ona tofia e tusa ai ma le Tulafono o Galuega a

le Malo (Tofia Faapitoa) 1989 se tagata o le a avea ma Failautusi o Mataupu Tau Lotoifale o ia lea o le a tali atu i le Minisita ma o le a avea ma ulu tau pulega o le Matagaluega.

7. Tuuina atu o Pule a le Minisita - (1) I le noatia ma le fai fuafua i le faafuaiupu (6) o lenei fuaiupu e mafai e le Minisita i luga o se tusitusiga i lalo o lona lima pe faalauaitetele po o faapitoa, ona tuuina atu i le Failautusi pule uma e pei ona faaeeina ia te ia e lenei Tulafono:

Ae vagana ai e faapea o lenei pule tuuina atu e le tatau ona aofia ai le pule e tuuina atu ai i le Failautusi le pule a le Minisita e tusa ai ma lenei fuaiupu.

(2) I le noatia ma le fai fuafua i so o se pule faitalia pe i se tulaga aoao po o faapitoa ua tuuina atu po o ni tuutuuga ua faapipiina i ai e le Minisita, e mafai e le Failautusi ona faatinoina o so o se pule ua tuuina atu ia te ia e pei ona uluai taua i le faiga tutusa ma le malosi tutusa e faapei ai o ia pule na faaeeina atu ia te ia i se faiga tuusao e lenei fuaiupu ae le i luga o se pule tuuina atu.

(3) A fai o le Failautusi ua fuafua e galue e tusa ai i so o se pule tuuina atu e tusa ai ma lenei fuaiupu, e tatau ia te ia ona avea e tusa ai ma le leai o se faamaoniga e ese mai ai e faapea ua ia galue e tusa ai ma tuutuuga o le pule tuuina atu.

(4) O pule uma faapea ua tuuina atu o le a soloia i luga o le faitalia, ma e leai se pule tuuina atu o le a taofia ai le faatinoina o so o se pule a le Minisita.

(5) Ae vagana ai ma seia oo ina soloia sea pule tuuina atu e tatau ona faaauau lea ona faamamaluina e tusa ai ma ona tuutuuga. I le tulaga ua faamutaina ai le umia o le tofi e le Minisita o ia lea na tuuina atu so o sea pule, e tatau ona faaauau pea ona faamamaluina e avea ai faapei ai na faia e le tagata o lo o umia le tofi e avea ai o se Minisita i lea taimi ma i le tulaga ua faamutaina ai le umia o le tofi e le Failautusi o ia lea na tuuina atu i ai ia pule, o le a tatau ona faaauau pea ona faamamaluina e avea ai faapei sa tuuina atu i le tagata o lo o umia le tofi e avea ai o se Failautusi i lea taimi po o, pe a fai

e leai se Failautusi ua tofia po o o lo o toesea le Failautusi mai ona tiute, i le tagata o ia lea ua faatonuina faale-tulafono e galue e sui tulaga i le Failautusi.

(6) O lenei fuaiupu o le a le tatau ona faaaoga o so o se pule ua tuuina atu i le Minisita i lalo o fuaiupu 14 ma le 18 o lenei Tulafono.

8. Tuuina atu o Pule a le Failautusi - (1) E mafai e le Failautusi i se tusitusiga i lalo o lona lima mai lea taimi i lea taimi, pe i se tulaga faalauaitetele po o faapitoa, ona tuuina atu i so o se tagata ofisa o le Matagaluega po o so o se Komiti ua faavaeina e tusa ai ma lenei Tulafono e pei ona ua manatu o ia ua talafeagai ai pule uma po o so o se pule o lo o faatinoina e ia e tusa ai ma so o se Tulafono e aofia ai so o se pule ua tuuina atu ia te ia e tusa ai ma so o se Tulafono peitai e le aofia ai lenei pule tuuina atu i le taimi nei:

Ae vagana ai e faapea e le tatau i le Failautusi ona tuuina atu so o se pule e pei ona tuuina atu ia te ia e le Minisita.

(2) I le noatia ma le fai fuafua i so o se faatonuga faapitoa po o faalauaitetele ua tuuina atu po o faapipiina atu e le Failautusi, o le tagata ofisa po o se Komiti o ia lea ua tuuina atu i ai so o se pule i lalo o lenei fuaiupu e mafai ona faatinoina ia pule i le faiga tutusa ma le malosi tutusa e avea ai faapei o ia pule na faaeeina atu ia te ia po o na tuu sao atu e lenei fuaiupu ae le o se pule na tuuina atu.

(3) O tagata uma po o komiti e galue e tusa ai i so o se pule tuuina atu i lalo o nei fuaiupu o le a tatau ona avea i le leai o se faamaoniga faasino i ai ua faia e tusa ai ma tuutuuga o le pule e pei ona tuuina atu.

(4) So o se pule tuuina atu e tusa ai ma lenei fuaiupu e mafai ona faia i se tagata ofisa po o i ni tagata ofisa o se vasega faapitoa; po o e mafai ona faia i le o lo o umia po o ni tagata o lo o umia i lea taimi se tofi faapitoa o se vasega o ni tofi.

(5) O pule uma faapea ua tuuina atu e tusa ai ma lenei fuaiupu o le a tatau ona soloia i luga o le faitalia ma e leai se pule tuuina atu o le a taofia

ai le faatinoina o so o se pule e le Failautusi.

(6) So o se pule ua tuuina atu e tatau, seia oo ina soloia, ona faaaauau pea ona faamamaluina e tusa ai ma o latou tuutuuga, e ese ai na i lo le faapea i le failautusi o ia lea na tuuina atu i ai ia pule ua faamutaina lona umia o le tofi, ma o le a tatau ona faaaauau pea ona faamamaluina e avea ai faapei sa faia i le tagata ua faamanuiaina na te umia le tofi o lena Failautusi.

9. Tofia o Tagata Ofisa ma le Aufaigaluega mo le Faafoeina o lenei Tulafono-(1) E mafai e le Komisi o Galuega a le Malo ona tofia mai lea taimi i lea taimi ni tagata ofisa ma nisi tagata faigaluega e pei ona o le a manaomia mo le faafoeina o lenei Tulafono.

(2) O tagata ofisa uma ma nisi tagata faigaluega o le Matagaluega e tatau ona galulue i lalo o le faatonuga a le Failautusi i le faatinoina ma le tauaveina o pule, tiute ma matafaioi ua faaeeina po o tuuina ia i latou e lenei po o so o se i si Tulafono.

10. Komiti Faafoe-(1) Ua faatuina ma faavaeina nei ni Komiti Faafoe se lua, tasi mo Upolu, Manono ma Apolima, ma le tasi mo Savaii, ma o ia komiti o le a tali atu i le Minisita e auala atu i le Failautusi.

(2) O Komiti Faafoe taitasi e tatau ona aofia ai se Taitaifono ma se fuainumera o sui auai masani e pei ona o le a fuafuaina mai lea taimi i lea taimi e le Kapeneta i luga o le fautuaga a le Minisita.

(3) O le Taitaifono o le Komiti Faafoe mo Upolu, Manono ma Apolima, o ia lea o se sui usufono o le Palemene o lo o avea ma sui o se Itumalo Faaalalafaga i totonu o Upolu, Manono ma Apolima, e tatau ona tofia e le Kapeneta i luga o le fautuaga a le Minisita.

(4) O le Taitaifono o le Komiti Faafoe mo Savaii o ia lea e tatau o se sui usufono o le Palemene o lo o avea ma sui o se Itumalo Faaalalafaga i totonu o Savaii o le a tatau ona tofia e le Kapeneta i luga o le fautuaga a le Minisita.

(5) O sui masani o Komiti Faafoe taitasi o le a tofia e le Kapeneta i luga o le fautuaga a le Minisita.

(6) O le Taitaifono ma sui taitasi o Komiti Faafoe

taitasi e tatau ona umia tofi mo se vaitaimi e tolu tausaga ma mulimuli mai ai seia oo ina tofia se i si tagata e sui i le tofi.

(7) O sui uma o se Komiti Faafoe e mafai i so o se taimi ona faamavae mai lona tofi i luga o se tusi e faatuatusi i le Failautusi, ma e mafai ona aveeseina mai le tofi e le Kapeneta e faia i luga o le fautuaga a le Minisita, mo le le malosi atoatoa o le tino, faatalale i le tauaveina o ona tiute po o le faia o se amio le taupulea.

11. Matafaioi a Komiti Faafoe - O matafaioi a Komiti Faafoe o le:-

- (a) Feutagai ma Pulenuu ma Sui-ole-Malo e tusa ai ma manaoga a nuu:
- (b) Le tuuina atu o fesoasoani ma le galulue felagolagomai ma Alii ma Faipule i le faatinoina o polokalame a le Malo:
- (c) Le tuuina atu o fesoasoani ma le galulue felagolagomai ma Alii ma Faipule i le puipuia malosi o le faaaogaina o fualaau faasaina ma nakoti i totonu o nuu:
- (d) Feutagai ma nisi faalapotopotoga e le o faalapotopotoga a le Malo o lo o auai malosi i galuega e fesootei ma manaoga o le Matagaluega:
- (e) Tuuina atu o ni polokalame e mafai ona faatinoina e Pulenuu ma Sui-o le-Malo e ono faateleina ai oloa gaosi:
- (f) Faatonutonuina o le faatinoina o tiute o Pulenuu ma Sui-ole-Malo i totonu o nuu:
- (g) Fautuaina le Minisita e auala atu i le Failautusi i mataupu faasino i e fananau ma e maliliu ma le faaeeina o suafa matai i totonu o nuu ma itumalo:
- (h) Fesoasoani i Pulenuu ma Sui-ole-Malo i le aoina o aitalafu o lo o nofo aitalafu ai i Matagaluega a le Malo ma faalapotopotoga faale-malo:
- (i) Faamaopoopoina o galuega a Pulenuu ma Sui-o le-Malo ma galulue felagolagomai ma Alii ma Faipule i totonu o nuu ina ia mautinoaina e faapea o lo o tausia pea tulafono ma poloaiga i le faaaogaina lea o tu ma

agaifanua masani a Samoa:

- (j) Uunaia o galuega lagolago e tusa ai ma tulaga tau le aganuu, i le atiina aeina o nuu.

12. Fonotaga a Komiti Faafoe - (1) O fonotaga a se Komiti Faafoe e tatau ona usua mai lea taimi i lea taimi i ni taimi ma ni nofoaga e pei o le a tofia e le Taitaifono.

(2) E tatau i le Taitaifono ona nofoia fonotaga uma a se Komiti Faafoe o lo o auai ai o ia ma i lona toesea o sui o lo o auai e tatau ona filifilia se tagata avea ma Taitaifono.

(3) O le fuainumera e mafai ai ona faaauau fonotaga uma a se Komiti Faafoe e tatau ona tasi vaelua o sui o lena komiti.

(4) I so o se fonotaga a se Komiti Faafoe o le Taitaifono e tatau ona aia i se palota e fai ai se filifiliga faapea foi ma se palota e faia ai se faaiuga o se mataupu.

(5) O fesili uma ua tuuina atu i luma o so o se fonotaga a se Komiti Faafoe o le a tatau ona fuafuaina i luga o ni palota ua mafuli i ai le toatele o sui o lo o auai ma palota i sea fonotaga.

(6) Ae vagana ai e faapea ua faatonuina i totonu o lenei Tulafono o Komiti Faafoe o le a tatau ona fuafuaina ana lava taualumaga.

13. Alauni ma Totogi - O le a mafai ona totogiina mai i tupe faatatauina e le Palemene mo lenei faamoemoe i sui taitasi o se Komiti Faafoe i se fua faatatau o le a faamaonia e le Kapeneta tupe alu i femalagaiga ua totogiina po o faatupulaia e ia i le tauaveina o ona tiute (e aofia ai le auai ai i fonotaga) e avea ai o se sui o lena Komiti.

14. Pulenuu ma Sui-ole-Malo - (1) O le Kapeneta i le faia i luga o le fautuaga a le Minisita e mafai mai lea taimi i lea taimi mo faamoemoga o lenei Tulafono -

(a) Tofia se Pulenuu ua filifilia e se nuu po o ni nuu:

(b) Tofia o sui o le Malo e tusa o se Sui-ole-Malo:

Ae vagana ai e faapea a fai o so o se nuu po o ni

nuu ua le tausisia po o ua le mafai ona filifilia se pulenuu i totonu o le 3 masina mai le taimi na avanoa ai lea tofi e tatau ona tofia e le Kapeneta i le faia i luga o le fautuaga a le Minisita se tagata e umia lona tofi.

(2) O Pulenuu uma ma Sui-ole-Malo e tatau ona tofia mo se vaitaimi e 3 tausaga peitai e mafai ona toe tofia i ia tofi.

(3) O Pulenuu uma ma Sui-ole-Malo e mafai i so o se taimi ona faamavae mai lona tofi i luga o se tusi e faatuatusi i le Failautusi, ma e mafai ona aveesea mai le tofi e le Kapeneta, i le faia i luga o le fautuaga a le Minisita, mo le le malosi atoatoa o lona tino, faatalale i le tauaveina o ona tiute po o le faia o se amio le taupulea:

Ae vagana ai e faapea a o le i fautuaina le aveesea o so o o se Pulenuu e tatau i le Minisita ona feutagai ma le nuu po o ni nuu o i latou ia na patino i ai le filifilia o lona Pulenuu.

(4) O filifiliga mo avanoa o Pulenuu o le a tatau ona tuuina mai i le Minisita e auala mai i le Failautusi.

(5) A fai o so o se Pulenuu po o se Sui-ole-Malo ua le mafai ona faaauauina lona tofi ona o se gasegase, toesea mai Samoa i Sisifo po o nisi mafuaaga ua lava ma talafeagai, o le Kapeneta i luga o le fautuaga a le Minisita e mafai ona tofia se i si tagata i se faiga le tumau e galue i lona (tane) po o (tamaitai) tofi.

(6) O faasilasilaga o tofiga uma, faamavaega, po o le aveesea ua faia e tusa ai ma leni fuaiupu (ae vagana ai mo ni tofiga le tumau ua faia i lalo o le faafuaiupu 5 o leni fuaiupu) e tatau ona lolomiina i se taimi vave lava e mafai ai i totonu o le Savali.

15. Tiute o Pulenuu ma Sui-ole-Malo-(1) O le a avea ma tiute a Pulenuu taitasi ma Sui-ole-Malo -

- (a) Le uunaia o tulaga filemu ma fealofani i totonu o lona nuu:
- (b) Le uunaia o le tausia o tulafono ma poloaiga i totonu o lona nuu:
- (c) Le mautinoaina o le saoloto o le mauaina o fesootaiga i le va o Alii ma Faipule o lona nuu ma le Malo, ma le Matagaluega:

- (d) Le saunia o pepa aso fanau, maliu, ma tusi faamaonia o suafa matai faasino i tagata o lona nuu:
- (e) Le uunaia o galuega tau le soifua maloloina ma tulaga tau le tumama i totonu o lona nuu:
- (f) Le uunaia ma le sogasoga, le atiina aeina o galuega e ono fesoasoani i le atiina aeina o le tamaoaiga faapea foi ma tulaga tau le aganuu ma mea e ono aafia ai le siosiomaga:
- (g) Le mautinoaina e faapea o auala galue i totonu po o tafatafa ane o lona nuu o lo o tausia lelei:
- (h) Le faamaopoopoina o se fuafuaga faataatia i totonu o lona nuu e puipuia ai le faaleagaina o moli o auala, moli e faatonutonu ai femalagaiga a taavale, faasilasilaga e faamatala ai tulaga o auala, ala paipa, ma nuu ma nofoaga faitele a le Malo:
- (i) Le lipotia i leoleo le faaaogaina e so o se tagata o fanaia po o ni vailaau mo fagotaga:
- (j) Le uunaia o le faamamaina ma le faamatagofieina o nuu:
- (k) Le logoina o le Komiti ma le Fono a Nu'u e tusa ai ma ni meaola ninii faalafua fou ma ni faamai ia mautinoa o lo o i totonu po o le a oo atu i totonu o lona nuu:
- (1) Le fesoasoani i ofisa o le Malo i le faatinoina o suesuega, sailiiliga, ma le aoina o aitalafu i totonu o lona nuu:
- (m) Le tausia o faamaumauga o galuega o lo o faatinoina e lona nuu:
- (n) Le tuuina atu i taimi uma ni fesoasoani e pei ona o le a manaomia e le Malo i le faatinoina male manuia ma, faamaeaina o ana galuega pe i totonu o nuu po o i totonu o le atunuu.
- (2) E faaopoopo atu i tiute ua faaeeina ia i latou e le faafuaiupu (1) o lenei fuaiupu, e tatau i Pulenuu ma Sui-ole-Malo ona faatinoina -
- (a) So o se tiute e ono faaeeina atu ia te i latou e ni tulafono faatonutonu ua faia i lalo o lenei Tulafono po o so o se Tulafono, pe ua pasia i luma po o lona ua tuanai le pasia o lenei Tulafono; ma

- (b) So o se tiute e tusa ai ma so o se faiga faavae-a le Malo e pei ona o le a faamatalaina mai lea taimi i lea taimi po o fesootai atu ia i latou e le Minisita.

16. Totogi ma Alauni o Pulenuu ma Sui-ole-Malo- O Pulenuu uma ma Sui-ole-Malo o le a totogiina atu i ai ni totogi po o ni alauni mai tupe faatatauina e le Fono Aoao Faitulafono, ma ni tupe alu i femalagaiga ma alauni ma i si alauni, e pei ona o le a faatulagaina e le Kapeneta e faia i luga o le fautuaga a le Minisita.

17. Lipoti Faale-tausaga - (1) E tatau i le Failautusi, i se taimi vave lava e mafai ai i le faaiuga o tausaga faale-tupe taitasi, ona tuuina atu i le Minisita se lipoti o gaoioiga a le Matagaluega mo lena tausaga.

(2) O se ata o sea lipoti e tatau ona faataatia i luma o le Fono Aoao Faitulafono i totonu o le 28 aso ina ua tuunai le aso na tauaaoina atu ai e le Minisita pe a fai o lo o tauaofia le Fono Aoao ma, a fai e le o tauaofia e tatau ona faataatia i luma o le Fono Aoao Faitulafono i totonu o le 28 aso ina ua tuunai le aso na amata ai le tauaofiaga o lo o sosoo ai.

18. Tulafono Faatonutonu-(1) O le Ao o le Malo, i le faia i luga o le fautuaga a le Kapeneta, e mafai ona faia ni tulafono faatonutonu mai lea taimi i lea taimi e pei ona o le a talafeagai ai po o le faatelevaveina o le tuuina atu atoatoa o le malosiaga i aiaiga o lenei tulafono faatonutonu mai lea taimi i lea taimi e pei ona o le a talafeagai ai po o le faatelevaveina o le tuuina atu atoatoa o le malosiaga i aiaiga o lenei Tulafono ma mo le faafoeina o lenei Tulafono.

(2) E aunoa ma le faatapulaaina o tulaga aoao o le faafu'aiupu (1) o lenei fu'aiupu o tulafono faatonutonu e mafai ona faatonuina po o le aiaia ai mo:-

- (a) Totogi fuapauina ina ia faaeeina atu mo galuega faatino ua tuuina atu e Pulenuu ma Sui-ole-Malo i Matagaluega a le Malo, Faalapotopotoga ma so o se i si faalapototo-

potoga po o ni tagata:

- (b) Tulafono laiti ua fuafuaina e Alii ma Faipule ina ia faamamaluina i totonu o o latou nuu:
- (c) Tiute ma matafaioi mo Pulenuu ma Sui-ole-Malo e faaopopo atu i tiute ma matafaioi e pei ona fuafuaina e lenei Tulafono.

19. Mea ua soloia ma Faasaoina-(1) O Tulafono ua taua ua soloia -

- (a) Tulafono o Pulenuu ma Sui-ole-Malo 1978:
- (b) Tulafono o Mataupu Tau Lotoifale ma Atiina ae o Nu'u i Tua 1983.

(2) E ese ai na i lo le soloia o le Tulafono o Pulenuu ma Sui-ole-Malo 1978, ma le Tulafono o Mataupu Tau Lotoifale ma Atiina ae o Nu'u i Tua 1983 o tofiga uma, tusi faamaonia ma poloaiga ua faia e tusa ai ma ia Tulafono o le a faaauau pea ona faamamaluina e tusa ai ma o latou aiaiga e avea ai faapei sa faia e tusa ai ma lenei Tulafono.